

# Un sonet m?es belh qu?espanda

Bdt 406,47

Mss.: **C** 80, **E** 43, **R** 87, **V** 41.

Metrica: a7?, b7, c7?, d7, e7, f5, g7, h7, i7?. Sei *coblas unissonans* di nove versi, due *tornadas* di quattro versi e una *tornada* di un verso.

Rime: a, c, i: -*anda*; b, d, e: -*ir*; f: -*ays*; g, h: -*os*.

Edizione precedente: Topsfield, 1971, p.279.

- letto 658 volte

## Edizioni

- letto 414 volte

## Topsfield

I.

Un sonet m?es belh qu?espanda  
per ma dona esbaudir,  
si cum selh que no demanda  
so que plus volgra jauzir:  
mas d?aitan no·m puest suffrir  
que no·lh mostr? hueimays,  
sivals temens ab chansos,  
cum suy d?enansar coitos  
selh joy don ylh m?atruanda.

II.

Pechat fai qui m?atruanda,  
que res mas lieys non dezir;  
e qui mon afar demanda,  
pot d?autras domnas auzir  
cum n?i a manhtas en azir  
quar ieu no·m biays,  
e lur estauc ergulhos,  
e vuel mais remaner blos  
ses amor qu?autra·m reblanda.

III.

Lieys sola·m platz que reblanda,  
qu?a dreitz en puec grans laus dir;  
e, qui de lieys mi demanda,  
no·n puec ben dizen mentir;  
quar mielhs qu?om savis cossir  
fai totz sos assays,  
e totz sos faitz belhs e bos,  
pueys a d?avinens faissos  
tan cum Beutatz en guaranda.

IV.

Soven me mostr? en guaranda  
lo cors, que·m fai abelhir  
sas grans beutatz, e·m demanda  
que fas, quan no la remir;  
d?aqui movo·l gran sospir,  
e·l volers m?en nays  
que·m fai languir amoros:  
per qu?ieu la prec ad estros  
m?acuelha, si no·m desmanda.

V.

Per Crist, s?aquesta·m desmanda,  
no y a plus mais del murir,  
que de tot autra demanda  
m?a fag s?amistat partir;  
si·s vol, lo sieu pot delir,  
cum selh que Dieu trays;  
mas pauc li val tracios,  
qu?anc sa par non cre que fos,  
ni gensor non pais vianda.

VI.

Ben sabetz ab qual vianda,  
bela domna, puec guerir,  
qu?ieu so·l folhs qui·lh say demanda,  
si m?o voletz aculhir:  
e pus mi·us plac enrequir,  
no vulhatz qu?abays,  
que·l mieus mals es dans a vos,  
e totz mos bes vos es pros,  
tan com sobre me s?espanda.

VII.

Et ie·us sui verays,  
quar me meteys tenc de vos,  
e totz mos faitz bels e bos  
e Miravalh de comanda.

VIII.

Reyals senher guays,  
Mos Audiartz, cars e bos,  
eu domney, fe que dei vos,  
la gensor qu?el mon se randa.

IX.

E no·m desman si no·m manda!

- letto 514 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/un-sonet-m%E2%80%99es-belhq%E2%80%99espanda>